

CNS5787

R GB 25-09 00151 BD034

Bah

Tentera - Bosnia

ANGGOTA TENTERA MALAYSIA KE BOSNIA BERSEMANGAT TINGGI

I

SUNGAI PETANI, 25 Sept (Bernama) -- Kesejukan dan bahaya yang bakal ditempuh tidak melemahkan semangat anggota tentera Malaysia yang akan berlepas ke Bosnia-Herzegovina untuk berkhidmat di bawah panji-panji pasukan pengaman Bangsa-bangsa Bersatu (BB).

Anggota-anggota "Malbatt" itu yang akan bertugas dengan Pasukan Perlindungan Bangsa-bangsa Bersatu (UNPROFOR), bersiap-sedia dengan tugas "terhormat" itu untuk memberi perlindungan kepada penduduk Bosnia daripada keganasan pengganas Serb dan kejajaman tentera Serbia.

Hari ini mereka diberi penghormatan oleh Perdana Menteri, Datuk Seri Dr Mahathir Mohamad yang melawat mereka di Kem Batalion ke-3 Kor Armor Diraja di sini, di mana mereka telah menjalani latihan.

Malah anggota termuda daripada 1,489 anggota tentera Malaysia itu, Mohamed Izzani Salleh, 19, tidak menunjukkan tanda-tanda bimbang.

"Selagi saya memakai uniform ini, saya bersedia untuk menghadapi sebarang cabaran," katanya. -- Lagi

▼25/09/19-48MST

R GB 25-09 00138 BD035

Bah

Tentera - Bosnia 2 Sungai Petani

"Kami semua sudah bersedia," kata pemerintah Malbatt, Kolonel Mohamed Hashim Hussein kepada sekumpulan pelawat dari Kuala Lumpur yang menyaksikan acara bersejarah itu.

Hashim, yang dipakaikan beret biru BB oleh Dr Mahathir di perbarisan sebagai penghormatan kerana dipilih menjalankan tugas baru dengan BB itu, berkata anggota-anggotanya telah menunjukkan kesungguhan semasa menjalani latihan.

"Seperti yang kita nampak, semangat mereka adalah tinggi dan saya berbangga dengan mereka," katanya.

Ketika berucap pada upacara itu, Dr Mahathir juga berkata beliau berbangga dengan anggota pasukan Malbatt dan tugas yang mereka pikul adalah sesuatu "yang terhormat".

Bagaimanapun, beliau mengingatkan mereka ia adalah satu tanggungjawab yang berat dan berbahaya.

Perdana Menteri berkata satu masalah bagi mereka ialah keadaan cuaca yang sejuk dengan suhu beku. -- Lagi

▼25/09/19-52MST

Bah

Tentera - Bosnia 3 (Akhir) Sungai Petani

Dr Mahathir, bagaimanapun, yakin pasukan itu akan menjalankan tugas mereka dengan penuh minat dan mengekalkan imej tinggi Malaysia.

Mejar Abdul Rahman Ahmad, yang akan bertugas dengan Bahagian Hal-ehwal Awam UNPROFOR, berkata suhu di republik Balkan itu boleh menurun sehingga -20 darjah Celcius pada musim sejuk, yang bermula pertengahan November ini.

Kumpulan pertama kontinjen utama sebanyak 183 orang akan berlepas ke Zagreb pada 30 Sept. Kumpulan terakhir pula dijangka berlepas awal Disember.

Sebuah pasukan pendahulu 21 anggota telahpun berlepas pada 21 Sept.

Menurut Kol Hashim, tugas Malaysia di Bosnia-Mezergovina ialah memastikan keamanan di negara itu.

"Kita di sana bukan untuk berperang tetapi menjaga keamanan. "Menjaga keamanan" membawa makna kita di sana akan menjadi rakan kepada semua orang," katanya.

Suasana keriangian jelas kelihatan semasa anggota-anggota tentera itu beramah mesra dengan Dr Mahathir dan bergambar bersamanya. -- Bernama

AZG OA

▼25/09/19-53MST